

BERGARAKO UDALAREN ETA ARANZADI IKASTOLAREN ARTEKO
HITZARMENA, 2024-2025 ikasturtean
“Gu ere bertsoan” egitasmoa diruz laguntzekoa

Bergaran, 2024ko abenduaren 12an

BILDU DIRA

Gorka Artola Alberdi jauna, Bergarako Udaleko alkatea Bergarako Udalaren ordezkartzan.

Eta bestetik, Agurtzane Loidi Larrañaga, Aranzadi ikastolako zuzendaria, entitate honen izenean. Azken honek alkate jaunaren aurrean zinpean aitortu du bera eta berak ordezkatzeko duen entitatea ez daudela Estatuaren 2003ko azaroaren 17ko 38/2003 Legeak aurreikusitako debeku kasuetan.

Bi aldeek elkarri aitortzen diote ordezkatzeko duten entitatea ordezkatzeko eta behartzeko gaitasuna eta, hala, honakoa

ADIERAZI DUTE

1.- Hizkuntza normalkuntzaren ikuspegitik garrantzi berezia du ahozko trebetasuna lantzeak. Hori dela eta, hainbat urtean zehar Bergarako Udalak diru-laguntza eman dio Aranzadi ikastolari Bertsozale elkarteak sustatzen duen “Gu ere bertsoan” egitasmoa aurrera eramateko ikastetxean.

Programa 2015-16 ikasturtean jarri zen abian Bergarako ikastetxeetan. Bere momentuan aztertu zen Euskarā Batzordean gai honetarako zenbateko laguntza bideratu eta aurrekontuaren %65a ordaintzea erabaki zen.

Elkarlan hori bideratzeko eskumena ematen die 2/2016 Legeak, Euskadiko Toki Erakundeei buruzkoak, udalei bere 7. artikuluko 5. puntuan:

Toki-erakundeek euskararen arloan aitortuak dituzten eskumenak baliatzeko, hitzarmenak izenpetu ahal izango dituzte; mankomunitate, partzuergo, elkarte eta udalerriz gaindiko bestelako erakundeak sortu edo halakoetan esku hartu ahal izango dute, eta elkarlanerako beste modu batzuetara jo ahal izango dute, erakunde publiko eta pribatuekin.

2.- Izandako esperientziaren balorazio positiboa egin dela kontuan hartuta, programari jarraipena ematea erabaki dela eta Aranzadi ikastolak diru-laguntza eskatu diola Udalari (eranskinean aurrekontua).

3.- Bergarako Udalak proiektu hori garatzea interesgarria delakoan Alkateak 2024ko abenduaren 11n emandako Dekretu baten bitartez diru-laguntza eman eta bi aldeek betebeharrak hitzarmen batean jasotzea erabaki du.

Hala, beraz, bi aldeek honako klausulak dituen hitzarmena egitea onartu dute:

KLAUSULAK

LEHENENGOA: Aranzadi ikastolak hitzarmen honen eranskinean zehaztuta datorren aurrekontua aurkeztu du (5.015,87 €). Laguntzagai Bertsozale elkarteak eskaintzen duen zerbitzua da, ikasmaterialen kostua kenduta.

BIGARRENA: Bergarako Udalak laguntzagai den kopuruaren %65eko laguntza emango dio Aranzadi ikastolari, hau da, 3.260,32 euro.

Dirulaguntza hori bi zatitan emango da: hitzarmena sinatzean %60 eta 2026ko uztailean %40. Azkeneko zatia ordaintzeko, aurrez eskaera, ekintzaren memoria, balantze ekonomikoa eta gastuen zuritze-agiriak aurkeztu beharko dira, uztailaren 15erako.

HIRUGARRENA: Horretaz gain, Aranzadi ikastolak honako konpromisoak hartzen ditu:

- a) Gizarte Segurantzarekiko, Foru Ogasunarekiko eta Bergarako Udalarekiko ordainketetan egunean egotea. Bergarako Udalak ofizios egiaztatuko du, datuen bitartekaritza-plataformen eta dagozkien kontsulten bidez, honako informazio hau:
 - Bergarako Udalarekiko betebeharrak egunean izatea.
 - Gizarte Segurantzarekiko ordainketak egunean izatea.
 - Gipuzkoako Foru Ogasunarekiko zerga-betebeharrak egunean izatea.

Dena den, interesdunek egiaztapen edo kontsulta horien aurka egiteko eskubidea dute.

Kasu horretan, idazki arrazoitua aurkeztu beharko diote udalari, eta dagozkion datuak eta dokumentuak aurkeztu. Udalak ezin baditu aipatutako kontsultak egin, dagokion dokumentazioa eskatu ahal izango dio interesdunari

- b) Bergarako Udalaren aurrean ziurtatu beharko du baldintza guztiak betetzen dituela, hala nola, dirulaguntza jasotzen duen zerbitzuaren jarduera eta helburua betetzen direla.
- c) Udalak egin litzakeen ikuskapenak erraztuko ditu.
- d) Bergarako Udala jakinaren gainean jarriko du baldin eta Udalak diruz laguntzen duen jarduerarako beste diru-laguntzarik lortuz gero. Beste diru-laguntzaren bat jasoko dela jakin bezain azkar jakinarazi behar zaio Udalari, eta, betiere, azken zatia ordaindu baino lehen.
- e) Gutxienez sei urtez gordeko ditu jasotako diruari eman zaion erabilera agertzen duten agiri originalak.
- f) Ez da hitzarmena dela eta Udalaren aldeko bermerik ezartzen.

LAUGARRENA: Udalak emango duen diru-laguntzaz gain helburu bera duen beste edozein diru-laguntza ere jaso daiteke. Hala eta guztiz ere, diru-laguntzak (Udalarenak bakarrik edo beste batzuenekin batuta) ezingo du inola ere gairitu diruz laguntzen den jardueraren kostua.

BOSGARRENA: Diru-laguntza emateko kontuan hartu diren baldintzetakoren bat aldatuko balitz edo, Udalaren laguntzaz gain, beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

SEIGARRENA: Diru-laguntza berrikusi egingo da eta, egoki bada, kendu, baldin eta hauetakoren bat gertatzen bada:

- a) Diru-laguntza bete beharreko baldintzak bete gabe jasotzea.
- b) Diru-laguntza erabiltzea lortu beharreko helburua ez den beste helburu baterako.

Edozein arrazoiengatik, diru-laguntza (osoa edo zati bat) itzuli beharra balego, diru kopuru hori zuzenbide publikoko sarreratzat hartuko da.



Begarako
Udala

ZAZPIGARRENA: Hitzarmen honetan aurreikusita ez dagoen guztian, dirulaguntzak arautzen dituen 38/2003 Estatuko Legea, azaroaren 17koa, eta lege hau garatzen duen erregelamendua, 2006ko uztaillaren 21eko 887/2006 Errege Dekretuaren bitartez onartua, Bergarako Udaleko Dirulaguntzen Ordenantza Orokorra eta Bergarako Aurrekontuetako Udal Araua aplikatuko dira.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean bikoiztuta sinatzen dute.

Agurtzane Loidi Larrañaga
Aranzadi ikastolako zuzendaria

ARANZADI
IKASTOLA

Herrilagunak kalea, 1 - 20570 Bergara
Tel.: 943 76 90 71

Gorka Artola Alberdi
Begarako alkatea



WASHINGTON